



ՀԱՍՏԱՏՈՒՄ ԵՄ՝
ՇՐՋԱԿԱ ՄԻՋԱՎԱՅՐԻ
ՆԱԽԱՐԱՐ
Ռ. ՊԵՏՐՈՍՅԱՆ

«03» 12 2020թ.

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ

ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ
ՓՈՐՁԱՔՆՆՈՒԹՅԱՆ

ԲՓ 000117

Ձեռնարկողը՝

«Արրիում Պրո սյուդիո» ՍՊԸ
Ք. Երևան, Մ. Բաղրամյան 1, 142.

Գործունեությունը՝

«Դիլիջան» համայնքի միկրոռեգիոնալ մակարդակի
համակցված տարածական պլանավորման փաստաթղթի
շրջակա միջավայրի վրա ազդեցության ուղղմամբ
գնահատման հաշվեկշիռը
Տավուշի մարզ

«Շրջակա միջավայրի վրա ազդեցության
փորձաքննական կենտրոն» ՊՈԱԿ-ի
տնօրենի պաշտոնակատար՝



Ա. Թարգյան

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ
ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ ՓՈՐՁԱՔՆՆՈՒԹՅՈՒՆ

թիվ ԲՓ 000117

<< 03 >> 12 2020թ.

Տավուշի մարզի Դիլիջան համայնքի միկրոռեգիոնալ մակարդակի համակցված տարածական պլանավորման փաստաթղթի շրջակա միջավայրի վրա ազդեցության ռազմավարական գնահատման հաշվետվություն

Ներածական մաս.

Ձեռնարկող՝

«Ատրիում Պրո ստուդիո» ՍՊԸ

Ներկայացված նյութեր՝

Հիմնադրությամբ փաստաթուղթ.

- ազդեցության ռազմավարական գնահատման

(ՌԷԳ) հաշվետվություն, գծագրական նյութեր

Տավուշի մարզի Դիլիջան համայնքի միկրոռեգիոնալ մակարդակի համակցված տարածական պլանավորման փաստաթղթի նպատակն է տարածքային պլանավորման միջոցով, համայնքի համար բարենպաստ կենսամիջավայրի ձևավորման ու կայուն զարգացման, տարածքների սեյսմիկ խոցելիության նվազեցման (բնակարանային ֆոնդի, հատուկ, կարևոր և ընդհանուր նշանակության օբյեկտների համար) անհրաժեշտ նախադրյալների ստեղծումը: Նախագիծը մշակվել է ՀՀ կառավարությանն առընթեր քաղաքաշինության կոմիտեի պատվերով (N ՀՀԲԿ-ԳՀԱՇՁԲ-19/36):

Առաջադրվող ծրագրային փաստաթղթում արտացոլվել են միկրոռեգիոնում ներառված համայնքների տարածքային զարգացման քաղաքականության արդյունավետ իրականացմանը նպաստող քաղաքաշինական ծրագրային այն հիմնական գործողությունները, որոնք անհրաժեշտ են տարածքների մրցունակությունը բարձրացնելու և Հայաստանի համայնքների միջև զարգացման առկա անհամաչափությունները մեղմելու համար, այդ թվում՝

- խրախուսել և աջակցել տարածքի պատմամշակութային առանձնահատկություններին և պահպանության ռեժիմին համապատասխանող քաղաքաշինական և կառուցապատման ներդրումային ծրագրերի իրականացմանը,

- ապահովել քաղաքաշինական նախագծերի հաստատման գործընթացի թափանցիկությունը, հրապարակայնությունը և որոշումների կայացմանը հանրության մասնակցությունը,

- նպաստել ներդրումային միջավայրի բարելավմանը և տարածքի զարգացմանն ուղղված նոր ներդրումային ծրագրերի ներգրավմանը,

- ներդնել տարածքի զարգացման և ներդրումային գրավչության մակարդակի բարձրացմանը նպաստող համակարգեր,



- բացահայտել մարդու կենսագործունեության արդյունավետությունն ապահովող առաջնային անհրաժեշտ խնդիրները,

- քաղաքաշինական, բնապահպանական, պատմամշակութային և այլ սահմանափակումներին վերաբերող հիմնական պահանջների բացահայտումն ու հանձնարարականների առաջադրումը,

- նպաստել «մաքուր քաղաք» և «կանաչ քաղաք» հայեցակարգի ներդրմանը և այլն:

Դիլիջանի տարածաշրջանի զարգացման ծրագիրը նախատեսվում է կազմել կայուն զարգացման սկզբունքների հիման վրա, որը տնտեսական զարգացման բոլոր նախապատվությունները համադրում է բնական միջավայրի ինքնավերարտադրողականության հետ:

Նկարագրական մաս

Տավուշի մարզի տարածքը ներառում է Տավուշի, Իջևանի և Նոյեմբերյանի նախկին վարչական շրջանների 62 համայնքները (որից 58-ը գյուղական): Մարզի ընդհանուր տարածքը 270.4 հազար հեկտար է, որը հանրապետության ընդհանուր տարածքի 9.1%-ն է: Անտառային ֆոնդի հողերը 140.3 հազար հեկտար է, որը հանրապետության անտառային ֆոնդի հողերի գերակշռող մասն է՝ (33.4%): Գյուղատնտեսական հողատեսքերը կազմում են 93.6 հազար հեկտար կամ մարզի ընդհանուր տարածքի 34.6 %-ը: Տավուշի մարզի գյուղատնտեսության և ագրոպարենային համակարգում գերակշռող դեր է խաղում անասնապահությունը, որն ապահովում է մարզի համախառն ներքին արդյունքի 40-45 %-ը:

Դիլիջանի գոգավորությունում են գտնվում Պարզ և Գոշ փոքր լճերը, որոնք ունեն բարձր էսթետիկական արժեք: Առկա են բուժիչ հանքային ջրերի աղբյուրներ, որոնցից առավելապես հայտնի են «Դիլիջան» և «Ֆրոլովա բալկա» հանքային ջրերը:

Հողերը ներկայացված են երկու հիմնական տիպերով՝ գորշ լեռնա-անտառային և գորշ լեռնա-տափաստանային հողերի տեսքով: Առանձին վայրերում, ուր էրոզիոն երևույթները թույլ են արտահայտված հողի շերտի հաստությունը հասնում է շուրջ 40 սմ:

Տարածքի ջրագրական ցանցը պատկանում է Կուրի ավազանին: Գետերն արագահոս են, սահանքավոր: Հյուսիս-արևմուտքում Լոռու մարզի սահմանով հոսում է Դեբեդը: Ամենամեծ գետը Աղստեն է՝ Բլրան, Գետիկ, Հաղարծին, Սառնաջուր վտակներով: Տարածքով են հոսում Հախում, Տավուշ, Խնձորուտ, Կողբ, Քարհան, Ոսկեպար գետերը: Կառուցվել են Ոսկեպարի (Ջողասի), Այգեձորի, Տավուշի, Հախումի ջրամբարները:

Մարզում օգտագործվող ջրի քանակը կազմում է շուրջ 12.2 մլն մ³, որը մեկ շնչի հաշվով շուրջ 8 անգամ ավելի քիչ է քան հանրապետական միջինը: Միևնույն ժամանակ մարզում օգտագործվող ջրի գերակա մեծամասնությունը, շուրջ 83% օգտագործվում է գյուղատնտեսության համար, արդյունաբերական նպատակների համար օգտագործվում է ջրի շուրջ 5.7%, գյուղատնտեսության և արդյունաբերության համար օգտագործվող ջրի քանակը շուրջ 10 անգամ ցածր է հանրապետական միջինից, խմելու համար օգտագործվում է ջրի 11% կամ տարեկան 1.4 մլն մ³, այս դեպքում օգտագործման ծավալները ցածր են հանրապետական միջին ցուցանիշներից շուրջ 3 անգամ:

Դիլիջանի տարածաշրջանի միկրոոեգիոնալ մակարդակի համակցված տարածական պլանավորման փաստաթղթի նախագիծը ներառում է Դիլիջանի քաղաքային, Հաղարծին, Գոշ, Թեղուտ, Հովք, Խաչարձան և Աղավնավանք գյուղական համայնքները:

Համայնքների տարածքներն են՝

- Դիլիջան՝ մակերեսը 120.5695կմ², բնակչությունը՝ 27518 մարդ,
- Հաղարծին՝ մակերեսը 36.7կմ², բնակչությունը՝ 3506 մարդ,
- Գոշ՝ մակերեսը 15.4կմ², բնակչությունը՝ 1094 մարդ,
- Թեղուտ՝ մակերեսը 9.45կմ², բնակչությունը՝ 1542 մարդ,



- Հովք՝ մակերեսը 13.8կմ², բնակչությունը՝ 413 մարդ,
- Խաչարձան՝ մակերեսը 11.1կմ², բնակչությունը՝ 535 մարդ,
- Աղավնավանք՝ մակերեսը 22.6կմ², բնակչությունը՝ 237 մարդ:

Համայնքների զարգացման ոլորտների հիմնական առաջնային ուղղություններն են՝

- գոյություն ունեցող արտադրության հիմնական ճյուղերի զարգացումը,
- հնարավոր ռեկրեացիոն գոտիների կազմակերպումը,
- զբոսաշրջության զարգացումը,
- շրջակա միջավայրի բարելավումն ու պահպանումը,
- ինժեներական ենթակառուցվածքի, ճանապարհային ցանցի և սոցիալ-կենցաղային համակարգի զարգացումը,
- պատմամշակութային ժառանգության պահպանությունը,
- բնական և տեխնածին վտանգավոր երևույթներից տարածքի պաշտպանությունը,
- սահմանամերձ տարածքներում բնակչության անվտանգության ապահովումը,
- միջպետական և հանրապետական նշանակության ճանապարհները կապող հատվածների և միջհամայնքային ճանապարհների վերանորոգման կազմակերպումը,
- գյուղատնտեսական բարձրորակ և հատուկ պահպանվող տարածքների օտարման, ինչպես նաև պատմամշակութային և բնական հուշարձաններին վնաս պատճառման բացառումը,
- հիմնական գործառնական գոտիների վերանայումը և հստակեցումը,
- բոլոր համայնքների գազաֆիկացումը,
- համայնքների բնակչությանը խմելու ջրով ապահովելը,
- համայնքների ոռոգման ջրի ցանցի արդիականացումը և ընդլայնումը,
- աղբի տեսակավորման նախատեսում,
- աղբավայրերի նախատեսում՝ սանիտարական գոտիների պահպանմամբ,
- բոլոր գյուղական համայնքների կոյուղացում,
- գյուղական համայնքների կեղտաջրերի մաքրման կայանի նախագծում և գործարկում,
- նորագույն տեխնոլոգիաների ներդրման նախատեսում՝ արևային էներգիայով և քիմիկատներով ջեռուցման համար և այլն:

Մարզում կարևոր տեղ են զբաղեցնում Բերդի, Այրումի, Դիլիջանի, Իջևանի և Նոյեմբերյանի կաթի վերամշակման և պանրի գործարանները, Այրումի և Տավուշի պահածոների, Տավուշի, Իջևանի և Նոյեմբերյանի գինու գործարանները, Իջևանի և Դիլիջանի հանքային ջրերի գործարանները և այլն: Նշված գործարանները, արտադրամասերն ու կոմբինատները ներկայումս աշխատում են մասնակիորեն, իրենց նախագծային հզորությունների 8-12 %-ի չափով: Ըստ ՀՀ պետական ռեգիստրի տվյալների համայնքում գրանցված է 795 ձեռնարկություն: Դիլիջան համայնքում գործունեություն են ծավալում 11 ֆինանսական կազմակերպություններ:

Դիլիջան համայնքի տնտեսությունը կառուցված է երեք հիմնական բաղադրիչներից՝ փոքր համայնքային ձեռնարկություններ, մեծ և միջին ձեռնարկություններ և գյուղատնտեսություն՝ փոքր ու մեծ ֆերմերային տնտեսություններով: Համայնքի տնտեսությունը, բացի աշխատատեղեր և ընդհանուր բարեկեցություն ապահովելուց, ունի նաև մեկ այլ հիմնական գործառույթ՝ ապահովելով բավարար միջոցներ սոցիալական հատվածի համաչափ զարգացման (կրթություն, առողջապահություն և այլն) և ենթակառուցվածքների (ճանապարհներ, գազի, ջրի, էլեկտրաէներգիայի մատակարարում և այլն) անխափան վիճակի համար, ինչպես նաև հնարավորինս բարելավել հյուրընկալման իրավիճակը:

Դիլիջան համայնքը հանդիսանում է Հայաստանի զբոսաշրջային կենտրոններից



«Բլրան» և «Ֆրոլով» գոտիներից: Գետերի ջրերը մաքրվում են մաքրման կայանում, բացի Շամախյան գետից, որի ջրերը հոսում են դեպի բաշխման ցանց՝ առանց նախնական մշակման: Մակերևութային ջրերը բնութագրվում են թեթև հանքայնացմամբ, չափավոր կոշտությամբ և բարձր ագրեսիվությամբ: Մակերևութային ջրերն ունեն սելավների ձևավորման թույլ պոտենցիալ և միջին ակտիվացում (3-10 տարին մեկ): Գարնանային հալքի ժամանակ ջրի աղտոտման ռիսկը բարձր է, քանի որ Դիլիջան քաղաքի ջրի մաքրման կայանը վերանորոգման և արդիակայացման կարիք ունի:

Նախագծով նախատեսվում է աշխատանքների իրականացում մի քանի բնագավառներում՝ քաղաքների և խոշոր բնակավայրերի հատակագծերով նախատեսված աղբավայրերի կառավարման պլանների մշակում, աղբավայրերի ցանկապատման աշխատանքների իրականացում, միջհամայնքային աղբավայրերի նախագծում և դրանց շահագործման տեխնիկական միջոցների տրամադրում: Բնակավայրերի և մարզի ամբողջ վարչատարածքի սանիտարական վիճակի նկատմամբ վերահսկողության ուժեղացում:

Թափոնների հեռացումը Դիլիջանում իրականացվում է պայմանագրային հիմունքերով: Թափոնների հավաքման գործընթացում ամենամեծ խնդիրը քաղաքում աղբավայրի սահմանափակ կարողություններն են և դրանց տեղակայվածությունը գետից 50-60մ հեռավորության վրա:

Բնակավայրերում սանիտարական մաքրման ենթակա տարածքը կազմում է 1760,2 հա մակերես: Դիլիջանի տարածքում գործող աղբավայրեր չկան (նախկինում՝ բնակավայրից 4.5կմ հեռավորության վրա գտնվող գործող աղբավայրը կոնսերվացվել է և աղբը հեռացվել): Մոտակա գործող աղբավայրը գտնվում է Հաղարծին բնակավայրի տարածքում և նախատեսվողը՝ Վանաձորից Սպիտակ տանող ճանապարհին:

Հաճախակի են աղբի կուտակումները հենց բնակելի տների բակերում: Բացի դրանից, աղբահանումը կատարվում է անկանոն, ինչը հանգեցնում է համայնքների սանիտարական վիճակի վատթարացմանը:

Քանի որ, համայնքները չունեն արդյունաբերական թափոնների համար առանձին աղբավայր, ուստի ոչ օգտագործելի թափոնները տեղադրվում են կենցաղային աղբավայրում:

Մինչև սանիտարական աղբավայրի կառուցումը, նախատեսվում է գոյություն ունեցող աղբավայրերի տարածքների պարսպապատում և բարեկարգում: Աղբահանությունը լինելու է կազմակերպված, պարբերաբար տոփանելով և հողով ծածկելով, մինչև աղբամշակման գործարանի նախագծումը և կառուցումը: Ինչպես նաև կազմակերպելու է աղբի տեսակավորում՝ հեռացվող աղբի քանակը նվազեցնելու և, որպես երկրորդային հումք օգտագործելու նպատակով:

Մարզի տարածքի էլեկտրամատակարարման համակարգի շահագործումն իրականացվում է «ՀԷՑ» ՓԲԸ-ի «Աղստև» մասնաճյուղի կողմից, որը հիմնականում ապահովում է անխափան և առանց լուրջ վթարների էլեկտրամատակարարում: Մարզի բոլոր բնակավայրերը միացված են էլեկտրական ցանցերին: Բնակավայրերի էլեկտրամատակարարումն իրականացվում է 10/0.4կՎ և 6/0.4կՎ լարման տրանսֆորմատորային էլեկտրական ենթակայանների միջոցով:

Ըստ «Գազպրոմարմենիա» ՓԲԸ-ի տեղեկատվության Դիլիջան միկրոռեգիոնում ներառված բնակավայրերից Աղավնավանք և Հովք բնակավայրերը գազաֆիկացված չեն: Գոշ և Խաչարձան բնակավայրերի գազաֆիկացումը շատ փոքր տոկոս է կազմում, համապատասխանաբար մոտ 10 և 7 տոկոս: Ազգային պարկի հարակից համայնքներից Դիլիջան քաղաքը գազաֆիկացված է գրեթե 80 տոկոսով, իսկ Թեղուտ և Հաղարծին բնակավայրերը՝ մոտ 65 տոկոսով: Ազգային պարկի որոշ հատվածներով անցնում են բարձր



ճնշմամբ գազատարներ:

Հաշվի առնելով մարզի կլիմայական պայմանները (արևափայլի միջին տարեկան տևողությունը Դիլիջանում կազմում է 2091 ժամ)՝ որպես այլընտրանքային էներգիայի աղբյուր դիտարկվում է արևային էներգիան:

Մարզի բնակավայրերը 100%-ով ապահովված են ինտերնետ ծածկույթով, հասանելի է նաև բջջային կապը:

Տրանսպորտային ցանցը լավ է զարգացած, Երևան-Սևան-Իջևան ճանապարհն անցնում է Դիլիջան քաղաքի և ազգային պարկի միջով:

Մարզի բնապահպանական հիմնախնդիրները, մասնավորապես, կապված են անտառային էկոհամակարգերի գերշահագործման հետ, որի պատճառով խախտվել է՝ անտառի ինքնավերականգնման ունակությունը և դեգրադացվել են անտառային էկոհամակարգերը: Ապօրինի անտառահատումների հետևանքով ակտիվացել են հողերի էրոզիոն երևույթները և սողանքները: Մարզի 25 համայնքներում առկա են սողանքային գոտիներ:

Դիլիջանի տարածաշրջանի համայնքների շրջակա միջավայրի վրա տեխնածին ազդեցության հիմնական գործոններն են.

- մթնոլորտային օդի աղտոտումն՝ արդյունաբերական ձեռնարկությունների, բնակելի հատվածի ջեռուցման և ավտոտրանսպորտի արտանետումներով,
- մակերևութային ջրային ռեսուրսների աղտոտումն՝ արդյունաբերական և կենցաղային կեղտաջրերով,
- հողերի աղտոտումը՝ կոշտ կենցաղային թափոններով, ավտոտրանսպորտի արտանետումներով և կեղտաջրերով,
- աղմուկը և էլեկտրամագնիսական ճառագայթումը,
- անտառի անկանոն օգտագործումը, որը համայնքների շրջակայքում էներգետիկ ճգնաժամի ժամանակ հանգեցրել է անտառային տարածքների և կենսաբազմազանության կրճատմանը:

Դիլիջանի տարածաշրջանի համայնքներում գործում են կավի, տուֆի, գունավոր կոնգլոմերատների, պորֆիրիտների և ավազակոպճային հանքավայրեր, որոնց հիմնական արտանետումները մթնոլորտ արտանետվող անօրգանական փոշին է:

Համայնքներում աղմուկի աղբյուր է հանդիսանում ավտոտրանսպորտը, թեպետ գյուղերում ճանապարհները հիմնականում տեղական նշանակության են և մեքենաների հոսքը ցածր է:

Համայնքների տարածքի գեոքիմիական գնահատման արդյունքները ցույց են տվել, որ հողերը աղտոտված չեն ծանր մետաղներով: Հողերի աղտոտվածության մակարդակը գնահատված է ցածր, աղտոտվածության դասը՝ թույլատրելի, էկոլոգիական իրավիճակը՝ բավարար:

Դիլիջանի տարածաշրջանի համայնքներում տեղակայված է 8 գերեզմանոց ընդհանուր ~20,0 հա տարածքում: Գերեզմանոցներում սանիտարական գոտին պահպանված /ՍՊԳ/ չէ, ինչի համար նախատեսվում են կարգավորող միջոցառումներ:

Այն հատվածներում, որտեղ ՍՊԳ-ն պահպանված չէ, նախատեսվում է ճանապարհի երկկողմանի պահպանում՝ ծառուղիների միջոցով և գերեզմանոցի պարագծով երկշարք ծառապատում, ինչը կնպաստի փոշու արտանետումների տարածման կանխարգելմանը:

Դիլիջանի համայնքների կանաչապատման համակարգի կայուն զարգացման համար նախատեսվում է իրականացնել գործողությունների համալիր ծրագիր, որն իր մեջ կպարունակի ներքոհիշյալ հիմնադրույթները.

- բնագավառի գործունեությունը համակարգող



կառուցվածքային ստորաբաժանման ստեղծում՝ համայնքապետարաններում,

- նախագծերին և ծրագրերին համապատասխան վերականգնման աշխատանքների և նոր տարածքների կանաչապատման իրականացում, ապահովելով հետագա ոռոգումը,

- ոռոգման համակարգի զարգացում և բարեփոխում:

Նախագծով նախատեսված է գյուղական համայնքների կանաչապատում՝ շրջանային նշանակության այգիներ, կանաչ գոտիներով սպորտ-հրապարակներ և այլն, որպես օղջ մաքրող գործոն: Ներկա դրությամբ գյուղական համայնքներում ընդհանուր օգտագործման կանաչ տնկարկները (զբոսայգիներ, զբոսապուրակներ, պուրակներ և այլն) ընդամենը կազմում են 15.1հա: Շինարարական նորմերի համաձայն գյուղական համայնքներում ընդհանուր օգտագործման կանաչ տնկարկների մակերեսը պետք է կազմի 12մ²/մարդ, իսկ փոքր քաղաքների համար 10մ²/մարդ: Դիլիջանում և համայնքներում ընդհանուր օգտագործման տարածքների մակերեսը կկազմի 31.84 հա, իսկ սահմանափակ օգտագործման կանաչը՝ շուրջ 1584.18 հա:

Միկրոռեգիոնի համայնքները գտնվում են Հյուսիսային ջրավազանային կառավարման տարածքում, այդ համայնքների տնտեսակենցաղային հոսքաջրերի մի մասը թափվում են Աղստև գետ, ինչը հանդիսանում է գետի աղտոտվածության հիմնական աղբյուրը:

Թեպետ Դիլիջան քաղաքային համայնքի համար Հաղարծին գյուղի տարածքում կառուցվել է տնտեսակենցաղային և արտադրական հոսքաջրերի նոր կենսաբանական մաքրման կայան, այնուամենայնիվ համայնքի գյուղերից երկուսը թեև ունեն կոյուղու ցանց, բայց միացած չեն կոլեկտորին, դրանց խողովակներն ուղղված են դեպի գետը: Նախատեսվում է դրանք ևս միացնել գլխավոր կոլեկտորին և մաքրման կայանում իրականացնել կեղտաջրերի կենսաբանական մաքրում:

Դիլիջանի տարածաշրջանի համայնքներում հեղեղատար կոյուղու բացակայության արդյունքում գարնանային ձնհալի և աշնանային հորդ անձրևների ժամանակ հնարավոր են տարածքների հեղեղումներ: Այս երևույթից խուսափելու նպատակով բոլոր բնակավայրերի համար նախատեսված է հեղեղատար կոյուղու ցանցի նախագծում և կառուցում: Տարվա ընթացքում անձրևաջրերի քանակը հաշվարկված է գործող մեթոդակարգի համաձայն: Տեղումների տարեկան քանակը կազմում է 639 մմ:

Տարածքային պլանավորման նախագծով հողերի նպատակային նշանակության հողատեսքի, գործառական նշանակության և զբաղեցրած տարածքների էական փոփոխություն չի նախատեսվում:

Հիմք ընդունելով առկա վիճակի վերլուծությունը կարելի է եզրակացնել, որ Դիլիջանի տարածաշրջանի զարգացման ծրագրով բոլոր նախատեսվող աշխատանքները կնպաստեն շրջանի սոցիալական և բնապահպանական իրավիճակի առողջացմանը: Բնապահպանական իրավիճակի բարելավմանը նպաստող միջոցառումները հետևյալն են՝

- երկրորդական և միջգյուղական ճանապարհների ասֆալտապատում և խճապատում,
- բազմաբնակարան շենքերի բակային տարածքների բարեկարգում և ասֆալտապատում, խաղահրապարակների կառուցում,
- շենքերի բակերի լուսավորության և գյուղամիջյան ճանապարհների լուսավորության անցկացում,
- ջրամատակարարման համակարգի ու կոյուղու կառուցում և բարեկարգում,
- անձրևաջրերի հեռացման համակարգի նախագծում և կառուցում,
- գետ թափվող տնտեսակենցաղային և արտադրական հոսքաջրերի կենսաբանական մաքրման կայանի նախագծում և կառուցում:



- վնասված հասարակական և արտադրական նշանակության շինությունների և կառույցների վերականգնում,
- ոռոգման ներքին ցանցի վերականգնում,
- համայնքներում հանգստյան գոտիների ստեղծում,
- համայնքների տարածքում աղբահանության և տեսակավորման կազմակերպում,
- մսի վերամշակման արտադրամասի ստեղծում (սպանդանոցի կառուցում),
- հեղեղապաշտպան անտառատնկումների իրականացում,
- ժամանակակից պայմաններին համապատասխան աղբավայրերի կառուցում, աղբամշակման գործարանի կառուցում՝ Կառնուտ գյուղից դեպի հյուսիս (600 տ/օր հզորությամբ): Գործարանում նախատեսվում է վերամշակել նաև Գյումրիի հարակից բնակավայրերից հեռացվող աղբը,
- ճանապարհի եզրերին ու ռեկրեացման գոտիներում կանաչապատման, ծառատնկման աշխատանքների իրականացում,
- խիստ վերահսկողության սահմանում մեքենաների տեխնիկական վիճակի և որակի վրա, ինչը կնպաստի ավտոտրանսպորտի արտանետումների կրճատմանը,
- գազով և ժամանակակից ջեռուցման տեխնոլոգիաներին անցում, ինչը կկրճատի մթնոլորտ կատարվող արտանետումները՝ տարեկան 55.57 տ/տարի,
- արդյունաբերությունում ներդնել առաջատար տեխնոլոգիաներ:

Միկրոռեգիոնալ մակարդակի համակցված տարածական պլանավորման փաստաթղթերի մշակման նախագծի հայեցակարգային սոցիալ-տնտեսական հիմնավորումը նպատակաուղղված է տարածաշրջանի՝ որպես ամբողջական հատակագծային միավորի և համայնքների՝ որպես դրա մասը կազմող, փոխադարձ տարածքային, տնտեսական և ենթակառուցվածքային կապերով միմյանց կապված բաղադրիչների ներքին պոտենցիալ հնարավորությունների և նախադրյալների բացահայտմանը, ինչպես նաև դրանց լիարժեք, համակողմանի և արդյունավետ օգտագործմանը: Հանդիսանալով տարածական պլանավորման հիերարխիական կառուցվածքի (տարածքային հատակագծման նախագիծ, գլխավոր հատակագիծ, գոտևորման նախագիծ) երեք մակարդակը միավորող փաստաթուղթ, այն դիտարկում է ինչպես տարածաշրջանային նշանակության և կարևորության ընդհանուր մոտեցումները, այնպես էլ յուրաքանչյուր հատակագծային միավորի՝ համայնքի տարածքում իրականացվող քաղաքաշինական գործունեության կանոնակարգումը:

Փորձաքննության գործընթացում միկրոռեգիոնալ մակարդակի՝ համակցված տարածական պլանավորման փաստաթուղթը լրամշակվել է՝ հաշվի առնելով նաև շրջակա միջավայրի նախարարության համապատասխան ստորաբաժանումների, առողջապահության, արտակարգ իրավիճակների նախարարությունների և Տավուշի մարզպետարանի կողմից ներկայացված առաջարկությունները:

Տավուշի մարզի Դիլիջանի համայնքապետարանում իրականացվել են հանրային քննարկումներ, ինչի ընթացքում հանրությունը դրական է արտահայտվել նախատեսվող գործունեության վերաբերյալ:

Տավուշի մարզի Դիլիջանի և հարակից գյուղական բնակավայրերի տարածքային քաղաքաշինական խնդիրների լուծման համատեքստում, շրջակա միջավայրի պահպանությունն արդյունավետ կազմակերպելու նպատակով համալիր գնահատվել է՝ առկա իրավիճակը, վերհանվել են բնապահպանական խնդիրները և ընտրվել են զարգացման այն սկզբունքները, որոնք թույլ կտան ներդաշնակորեն լուծել սոցիալական, տնտեսական և բնապահպանական խնդիրները: Բնակավայրերի տարածքների կարևոր



էկոլոգիական հիմնախնդիրների լուծումները կնպաստեն տարածքի էկոլոգիական հավասարակշռության պահպանմանը: Շրջակա միջավայրի պահպանության բաժնում տրվել են շրջակա միջավայրի բոլոր բաղադրիչների (մթնոլորտ, ջրային ռեսուրսներ, հողեր, ընդերք, կենսաբազմազանություն) վիճակի բարելավմանը և պահպանմանն ուղղված միջոցառումների հեռանկարը:

Փորձաքննական պահանջներ

- Հիմնադրությային փաստաթղթի շրջանակում նախատեսվող գործունեությունների համապատասխան նախագծային փաստաթղթերը՝ մինչև իրականացումը, անհրաժեշտ է օրենսդրությամբ սահմանված կարգով ներկայացնել շրջակա միջավայրի նախարարություն՝ շրջակա միջավայրի վրա ազդեցության փորձաքննության:

- Հիմնադրությային փաստաթղթով նախատեսվող գյուղատնտեսական, շինարարական և այլ աշխատանքների կատարման ընթացքում ի հայտ եկած հնարավոր պատմամշակութային և հնագիտական շերտերի առկայության դեպքում անհրաժեշտ է հետագա աշխատանքներն իրականացնել համապատասխան մասնագետի՝ հնագետի եզրակացությունը ստանալուց հետո:

- Համայնքի հեռանկարային կառուցապատման ընթացքում անհրաժեշտ է պահպանել նախագծով նախատեսված հեռանկարային լուծումները՝ բացառելով անտառային և ընդհանուր օգտագործման կանաչ տարածքների հողերի նպատակային նշանակության փոփոխությունները:

- Հիմնադրությային փաստաթղթի դրույթների իրականացման ընթացքում կատարել շրջակա միջավայրի վրա ազդեցության մշտադիտարկում (մոնիթորինգ), կազմել հետնախագծային վերլուծության ծրագիր:

ԵԶՐԱՓԱԿԻՉ ՄԱՍ

«Ատրիում Պրո ստուդիո» ՍՊԸ կողմից ներկայացված Տավուշի մարզի Դիլիջան համայնքի միկրոռեգիոնալ մակարդակի՝ համակցված տարածական պլանավորման փաստաթղթի շրջակա միջավայրի վրա ազդեցության ռազմավարական գնահատման հաշվետվությանը տրվում է դրական եզրակացություն՝ փորձաքննական պահանջների պարտադիր կատարման պայմանով:

Տնօրենի տեղակալ՝

Գլխ. մասնագետ՝



Գ. Գևորգյան

Ա. Վարդանյան